

Dörflichechter 2002

Das Johr 01 isch jetz verby,
Äs isch für viele truurig gsy,
Ou mir hei müesse gränne u flueche,
Wüu üs Brandstifter sy cho bsueche,
Doch üs Geischter cha me nid umbringe,
Drum chöme mir als Führtüüfu cho singe !

54 Johr Vereinsgschicht sy verloore,
Jetzt müesse mir quasi wieder afo - ganz vo vore !

Nach üsem Vårs wo mir letscht Johr hei gsunge,
Hei mir d' Bielerschmier äüä uf ne Idee brunge,
Nachdäm si mit de Auto afangs letscht Johr
Problem hei gha mit Blauliecht und Horn,
Gsehsch se sit letscht Summer jetze
Als Bike-Patrol desumeflitze !

Leider ischs verbrönnt, mir hei z'spoot dra dänkt,
Süsich hätte mir am Scherrer üses Rutschouto gschänkt !
Und s' chunnt no schlimmer, müesst nid lache,
Jetzt wott dä i üser Stadt no Big Brother mache !

Der Gorbatschow macht ds Biel e Visite,
Im Tech bir Beerli, dere Gritte,
Ou der Stöckli tuet sech engagierte
Und am See vor Expo (arte)plagiere,
Nach em Bsuech seit der Gorbi so näbeby:
„Mir Russe sy gar nid hingedry,
Lueg, im Seeland sy si nid sowyt,
Die läbe jo no ir Pfahlbouer-Zyt !“

Plagiere isch hie nid inbegriffe,
Däm hett doch e Chräj uf d'Glätze gschisse !

Au casino de Bienne rien ne vas plus,
Notre Stöckli il est très déçu:
"Pour moi, c'est clair, je fait un pari,
De Berne sortent que des salopperies,
Il y aura des casinos dans tous les coins,
Même au cul du monde comme Courrendlin !"

Maintenant, c'est toi le con,
Mon cher Jean le petit maison !

Wenn Du vo Madretsch mit Dim Chare
Schnäll is Carrefour wettisch fahre,
De geisch über Port via Ins uf Le Landeron,
U de über Lignères u Plagne nach Romont,
Abe uf Grenchen via Lengnau uf Buschang,
Dür d' Stadt bi dene Baustelle hesch öppe glych lang !

U we de die Löcher ändlech zue sy, geits mit der EXPO los,
U ds Puff wird no zäh mou so gross sy uf der Stross !

Üsi Zunft wott d' Fasnacht nöi beläbe,
U hoffet, dä Versuech sig nid vergäbe,
Jetzt isch d' Fasnacht scho früecher e ganze Tag,
Mir mache mit, das isch kei Frag,
Mir si ganz eifach dankbar u froh,
Dass mer nid scho ar Wiehnacht' hei müesse cho !

Süsich hätt am Änd üse Biuderzeiger do
Statt der Biuderrahme e Tannebaum mitgno !

Jetze geits de ersch rächt los
Mit em Expo-Chaos uf der Stross,
Nid wäg em Autoverkehr wo's de meh git,
Nei wägem Expo-Housi sim Helix,

Aus mues über das Expo-Brüggli go,
Der Hunderter und Tour de Suisse mit em Velo,
Zum Glück tuet das Brüggli no nid rächt stoh,
Süsch muesst no der Fasnachtsumzug drübergo !

Aber viellech wird's de fertig sy
Für en Umzug vor Bieler-Braderie !